

文餘小品叙

往伯氏與季重先生者游也余快讀

其小題怡贈俱逆理窟中作胡永兒

孫行者伎倆豈人才為拔一毛硬有百

千萬億化身予望洋驚嘆者久之既



讀其詩賦古文辭則又吹影鏤塵描  
風斲月排山倒海掣電鞭霆縮震且  
于毫端內須彌於芥子向其所刻星分  
碁布未歸一致乃于讀書佳山水間  
手自顰齏定為六十卷命曰文飾雕

幾未半而玉樓台去刻遂不成夫古  
今稱文之至者謂菽粟之文耳即子  
輿氏亦曰聖人治天下使有菽粟如  
水火而先生謂菽粟猶生不化也唯  
飾則人可飽合智愚賢不肖皆用

為自養，人之具故以之名其文則先生之文所謂人莫不飲食鮮能知味者矣先生賦游仙者十有三年望其文者怒如調飢刻其文者冷突不炊恍然升竈之在雲中蒸砂之不成

飴也惠海禪師曰我修道只是飢來吃飴東坡居士謫惠州時飽食惠州飴細和淵明詩予飢久矣每思飽食先生文飴而不可得茲其令子玉壘氏清白儉守有志未逮先庀其力之

所能為刻文飾小品晉先生門下士  
王聖俞先生輯蘇文小品覺長公精  
神較為標舉陡健先生有小品先生  
有子矣然予方欲放飾于先生文圃  
中曾未一口而玉壘且為朱陵道士

之言若食止此予將率天下之飾先  
生文者聲臯于教討以誅金豹以飽天  
下玉壘何辭然金丹一黍復能千日  
不飢即此小品予以飽天下有餘矣  
牙玉壘乎何尤

晚學余增遠拜書



文飯小品序

季重先生之母九經之姑也九經與先生親則鴈行誼則師弟蓋戊辰以前以文字師先生一師於慶曆

小題選再師於明文珠璣  
選猶未親炙也迨戊辰以  
後先生出山謁選人既至  
長安九經得侍教者累月  
故一舉動也而師一話言

也而師即嬉笑也亦師夫  
吾鄉之起家秋闈者趾趾  
乃先生獨於九經數數有  
加初不知所自一日先生  
語予曰子吾母之姪也吾

夫母蚤凡見吾母宗黨人  
即如親見吾母况子為吾  
母克振家聲者乎言畢先  
生輒泣然而淚故自茲以  
注九經之所以敦篤母族

惟力是視皆先生錫類之  
仁開之也乙酉江阻先生  
復以才名登啓事晉秩宮  
詹屢辭不得遂勉爾就列  
及江通先生棄家入山僅

攜書一卷棋一枰而已。比  
有直指雪園王公移咨督  
撫敦趣先生復檄行守憲  
請之至。再時予滯跡省城  
先生手一札遺經曰：老夫

年已七十餘於世無用。萬  
萬不敢再入城。且每日只  
爨粥一瓢。度存人世無幾  
望吾弟為我方懇。當事全  
吾微尚感當不朽。雪園公



見書嘆曰真高士也惟是  
總漕王清遠公爰先生太  
息無以為報業啓奏於貝  
勒諸王將大用先生耳先  
生聞是言愈跼蹐無以自

處復作手書遺經曰我非  
偷生者欲保此肢體以還  
我父母爾時下尚有舊穀  
數斛穀盡則逝萬無勞相  
逼為迨至九月旬初而先

生正寢之報至嗚呼屈指  
其期正當殷穀已沒周粟  
方升之始而先生屏食長  
逝迅不逾時然則先生之  
死豈不皎皎與日月爭光

而今日之鳳林非即當年  
之晉陽乎夫先生之文之  
詩之書法天下類能言之  
能序之惟此孝母而博及  
母氏之宗人或贈以多金


或割予美穴。或教以孝友  
文章。忠君而克全其完貞  
之亮節。大不毀其肢體。少  
不毀其髮膚。人為其易先  
生為其難。是則天下人所

不及知。惟九經知之獨真。  
且切耳。先生有丈夫子八  
人。玉鬯名鼎起。乃第五子  
也。世其家學。舞象時即能  
持無極太極。饒舌宋儒先

生預器之近易產為先生  
梓集其辭聘辭薦二書即  
予所述先生永訣之手札  
也付裝潢家為好事者竊  
去故不及錄其全文而僅

述先生大意如此然則先  
生之忠孝真無忝所生也  
哉真可為百世之師也哉

己亥春正月塏山漁隱  
唐九經頌首序



卷目

卷一

致詞 尺牘 啓 表 判

墓疏 贊 銘 引 題詞

跋 紀事 說 騷 賦

卷二

樂府 風雅什 詩 詩餘 歌行

悔謔

卷三

記

卷四

記 傳

卷五

序 行狀 墓誌銘 祭文

奕律

讀文會小品目次

卷一

致詞

閔子騫辭費

介子推對母

魯仲連逃爵

趙威后發於陵子仲

太史敷截女

詩者文會小品 目錄  
魯兩生不肯行

申屠蟠獨歎

嚴子陵還富春渚

陶淵明解綬

林天復不娶

尺牘

簡夏懷碧

東余慕蘭

簡張林宗

簡阮太冲

簡巢必大

簡米仲詔

簡徐文仗

簡茅止生

簡湯霍林

簡項聽所

簡徐繁昌

簡徐十洲

簡陳眉公

復董玄宰

上黃葵陽老師

簡趙哲臣

簡何芝岳

簡周玉繩

又簡周玉繩

又簡周玉繩

復黃葵陽老師

復陳眉公

復趙履吾

復何芝岳

答李伯襄

簡趙履吾



與柳陳父

回門人陸平格

簡米仲詔

與許伯倫論文

復青寥上人

復秦朱明

簡徐亮生

復董玄宰

答孫生

與翁文瀾

與沈瑞生

付鼎兒

又付鼎兒

又付鼎兒

啓

謝益藩震寰殿下賀初第啓

謝淮藩賀壽啓

公請宮庶蕭漢冲大座師啓

通王金華太守啓

表

擬上以所司進新春早茶賜飲經筵日講

謝表 萬曆十二年

附作警聯

擬上因早念民宮中躬禱靈雨應期而至

臣賀表 萬曆四十三年

判

鶴啄文魚判

奔女判

怕考判

孳生馬匹判

募疏

新建西陵外沙葦渡亭疏

募修雲門寺疏

天衣寺募鐘疏

大善寺禪堂募化齋田疏

龍沙菴募疏

修建雪竇寺募疏

贊

題李卓吾先生小像贊

郭母劉太孺人贊

楊序我先生溫太孺人合贊

題呂仙自畫贊

蕭孺人四十初度贊

賢女贊

五人墓贊

允修先生題石壁像贊

脚板贊

謔菴自贊

題唐母趙太夫人小像贊

銘

五簋齋銘

享二銘

臂閣銘

竹臂閣銘

題鼎兒惹香讀書館硯銘

引

萍社詩選引

監勦隨紀引

清課詩引

紀游引

陳學士尺牘引

諸君餘北枝草引

杲道人笛吹引

吳越集小引

海峒雜詠小引

止詩集小引

題詞

題聖教序帖

題徐文長花竹手卷

題徐慧姬卷

爲楊仕任題坡公小札

題朱叔子花阡

題長兒槐起扇頭

跋

重修東粵閩司跋言

陳眉公河上賦跋

黃帥先手卷跋

題次兒壽起所藏聖教序帖跋

枯蘭再秀卷跋

題八兒霞起所藏焦山瘞鶴銘跋

紀事

勝會之難。

太歲之犯。

風水之驗。

說

蔬筍說

騷

招則陽些

賦

一彈指頃賦

空雪賦

倒撐船賦

大爺賦

老酒豆酒賦

糟賦

醋賦

莎角賦

古月臨松賦

大頭和尚賦

罕山靈福寺松賦

雪中玄鶴賦

囊無一釐賦

五層樓賦

坑廁賦

謔菴文飯小品卷之一

山陰王思任季重父著

男王鼎起玉鬯父訂

致詞

閔子騫辭費

內俱伏汶  
上意妙極  
又不惡而  
最

寵命驚臨盛心感切但大夫圖治必當擇人在下士

陳力方可就列費爲何地莽伏公山宰屬何官責深

民社而某素不讀書愚更子羔之上樂從風浴狂尤

門人郭  
鈺識

曾點之前。既乏求才。又非由果。若使操刀。必割定當。鳴鼓而攻。况某自幼。衣寒骨謝。飽溫之福。平生食舊。眉顰改作之煩。願共顏貧。常往來於陋巷。時調冉疾。待診視於孔門。獲遂其私。不知所報。倘蒙嚴譴。亦必奔逃。或且怒及。巢由則亦何難。屠狄敬附。慙勤之使。以摠委曲之忱。圓便一言。方將百拜。

介之推對母

三士皆從。人有德色。百年能幾。兒獨灰心。况霸氣未

除。不過鞭弭之公子。謫聲先著。已招斧鉞。于高人出。走尚且懷安。還家安望。惕厲數升。俗米名色。加以萬鍾。一具塵冠。依違可得。三錫爭請者。同之乞食。上表者。祇爲呈身。奈何以傷氣之虛文。負我全終之遺體。深山歸隱。有丹桂。而又有青松。寒食無烟。有清泉。而又有白石。威鳳自愛其羽。神龍止見其元。老母骨是。九仙兒子。意難一世。倘蒙矜許。卽挽鹿車。共遂沉冥。不留鴻爪。



魯仲連逃爵

西秦不道已灰其欲帝之心東海有靈幸假我爲民之日不意聊城之役復當遲暮之餘約矢以遺中鈞作喻勉其棄忿惰之節借之立身世之功士卒何辜死傷堪恫燕將旣已自刃將軍不必又屠感謝歸言願從隱志偶然排解亦知齊國有人遂爾辭亡何必賈商相待

趙威后發於陵子仲

齊使者且持書聽言歲無恙民無恙王亦無恙幸甚鍾離子無恙葉陽子無恙北宮之女嬰兒子亦無恙幸甚於陵子仲其人尚在否諸侯不想其交家國無賴其益蒙心忍理欺世盜名伯氏友于而警因同氣太君老矣則怨出親生飛蓬垢面之妻胡然而天胡然而帝也匍匐奪螯之李食之有肉棄之又有味乎吐鴛反覆效蚓屈伸開後世機械變詐之門貽小人肺腑目手之笑至今不殺恐辱典刑

太史敷截女

日月光明網常正。犬何來。奴子突作傭夫。詐乞漑園。水皆泥淖。誠能匪石。柳卽籬樊。衣食誰令汝供。媒嫁孰爲作主。爾云得所。引鏡無此羞顏。我謂難言。佩刀可以斷首。玉環原以相辱。松柏定有下場。此種原無。吾世自在黃泉。不許相見。青史畧可圍慙。

魯兩生不肯行

足下事且卜主。顏甲百重。誘盡諸生。製衣數變。漢官

可生高品  
按下道以

拒後嗣其

言深不

當投頰之

辰而海陽

先生猶云

兩生未寃

其本不知

所爭正在

本處

自註

醉褻乘之媚飾威儀。王道淵微。豈可浪興禮樂。死未  
葬而傷未起。如此瘡痍。大則王而小則侯。已多誅戮。  
且也三尺之劍。不認詩書。一杯之羹。願分刀俎。所得  
孰與仲多。以愛幾易太子。天性忍殘。人倫淫昧。秦政  
猶有丈夫之氣。楚王不犯敵國之妻。方茲慙德。寧聽  
廢崩公等。榮行少遭嫚罵。

申屠蟠獨歎

聞之雪山積古。落峴無光。泉本高恬。磯石而碎。燒書

讀文館小記 卷一  
起於內策擁篲此乃坑儒李舟未必神仙徐榻難爲  
賓客孰清孰濁方是方非老氏動云不敢仲尼不爲  
已甚事將及矣傷如之何梁碭可居屋巢何逸江夏  
豪碩願遜公等之論談南郡一生謹謝上京之徵聘  
嚴子陵還富春渚

雖日中典文叔差增於往大家阿諛司徒適得其常  
任叫狂奴存吾男子半竿蓑雨足飽魚鮮一領羊裘  
溫於狐白綠潭瀾瀾翠壁峩峩歌滄浪而四山響應  
領清風而六月夢寒無帝可臣有星是客

陶淵明解綬

初擬三逕之資遂貪二頃之秫聊欲絃歌豈匡束帶  
已矣哉歸去來虎溪蓮社可以攢眉亦可以大笑籃  
輿紆軫可以伸脚亦可以醉眠蓄琴不必有聲讀書  
不求甚解籬邊摘菊門前種柳環堵蕭然屢空晏若  
坦率任真人在羲皇以上生憎引貴看他鄉里小兒  
林天復不娶

匿其所自生。人云不得乃爾。不能不着迹。我謂可以  
脫然。雖不孝之有三。實大雄之無二。色根鋤盡。免苟  
情之神傷。扇戶恬然。省李益之痴。如官形祝髮。何必  
多般。友鶴伴梅。不言賤累。

黃石齋曰。此又啓箋別體。冰心匠玉。香味吐金。望  
似白描。按之錦絢。蘇黃小品中。吉光摘出。何以敵  
此。

尺牘

簡夏懷碧。

凡人果解事。此君針透。量酬之金帛可也。若卽欲爲  
之作緣。恐職方亦自嶽嶽。買魚餵猫。則可買鱗魚餵  
猫。無此理矣。

東余慕蘭

敦睦如吾兄。妙矣。然吾兄大爺氣未除。不讀書之故。  
耳邵都公每每作詩示弟。弟戲之曰。且云做官做吏。

讀菴文飭小品 卷一  
各安生理毋作非爲渠佛然聞兄近日亦染其病讀書可也作詩且慢不容易鮑參軍耳

### 簡張林宗

弟五十年得一老僉而又在江州白波跳阮小五張順是弟治民而兄云旗鼓有赫但未耳聞目見爾段干木之旗也播鼗武之鼓也還有三里店敗弋陽服色軍官參謁目眉皆帶塵色弟不能還袂耳

### 簡阮太冲

鷺峯一游甚樂足下謂元甫跳盪洪伯癡肥春秋互見然弟謂夔之一足終勝聲氏之牛也

### 簡巢必大

二濤處雅坐幾於履舄交錯實欲留髡不得燭滅袁六來大敗人意然其母陣亦自可

### 簡米仲詔

年兄認南宮作祖亦復號爲友石古雲山房所蓄未必令祖之貽卽真可下拜亦二婚矣右軍蘭亭如聚

訟弟云族兄多此公案問者曰何以兄得來弟云自  
王子晉分支擘脉是兄弟行耳

簡徐玄仗

舊溧水良令

尊教摯誠感切。但所云下逐客之令。罪主家無赦。則  
有必不可謝。必不可絕之客。將奈之何。又云不得已  
姑行之。客去卽翻案。弟中夜思之。猶覺未穩妥。於客  
甚恨。亦於百姓甚怨也。居官日短。做人日長。况弟不  
比台翁起家牛醫。戴笠下馬之盟。頗有其人。又弟情

軟。不能作冷面來。則必見見。則必款。計其往來路費。  
察其特來經過。不妨以血誠告之。或請或不請。情禮  
必當盡之。但竭吾厚薄之力。如有放便事關說。亦委  
曲從之。過我心許。妨我官箴。則密求相諒。或亦不取  
其恨也。台翁以弟視弟。再求酌教。懇懇

簡茅止生

頃見報袁督師賺殺毛帥。此朱玄仗倆也。誰爲畫此  
策者。毛帥在諸島中。不知海外情形。不審牽制。果否

言者之傳小段 卷一  
得力但以私臆度之。帥卽無功亦似無罪。貪悍二字。乃將官本等况。招商屯種亦是着數利之所在。精神血氣往焉。何以忌而鋤之。

### 簡湯霍林

昨日主人何以不至。蘇門兄奚落我紗帽太古。弟云極時高極則下。下極則高。弟乃先高者耳。體衡以爲佞少選更酌體衡。謙館中酒原吃不得。弟作一轉語。雖吃不得看館中體面。又佞我而散。聞之以資嗔噉。

### 簡項聽所

高淳令

數局如破章。卽年兄從此當投誠折體。弟不吝以歸命侯相封也。氣殺氣殺。東壩虎棍壘斷苦行客。弟曾親受其侮。今分贓不均。四院併督。要弟完結。此不可以遣配懲也。只大毛竹狼籍其血肉。庶幾有豸。但求密獲巨魁。付弟正。不可作分土分民觀也。懇懇

### 簡徐繁昌

名有爲廣東德慶人

承下詢此間府考價不甚翔。不到堯日。然南都切近。

讀書文館小品 卷一  
書可汗牛，恐不得不應。弟已言之太尊，取數不妨。浮  
倍截則繇他貧生，得一名府考，亦可教書。是放便事。  
况數多則價減，又一放便也。左右吾三人閱卷，先儘  
真才實學。次儘縉紳書香。次儘分上足矣。

簡徐十洲

溧陽令

弟亦知有阮寄卿，然在兄翁爲俠客，在程守訓則爲  
棍徒。汪文言實被其破家，非來教則一頓板子，敝之  
而無憾矣。稍示弟意，令其私下調停。吾輩帶紗帽，只  
可錯一二分也。

簡陳眉公

均役論田，此定是也。詭寄易查，花分難察。弟已設法  
懸格清之矣。但撫臺急於成功，恐鹵莽應之。將來必  
有決裂。兄翁晤間，緩頰一語。王青浦非無意者，感成  
就多矣。

復董玄宰

承教二佃事，兄弟猥稱甚有口。此等小人，軍徒不在



心上只有毛竹墨監五日一比渠自當叩首堦下也  
二扇奉求墨寶晚弟亦爲他人作嫁裳耳

上黃老師

隆恩寺無他奇獨大會明堂有百餘丈可翫月門生  
曾雪卧其間者十日逕下有雲深菴曾以五月噉其  
櫻桃八月落其蘋菓櫻桃人噉後則百鳥俱來就中  
有綠羽翠銜者有白身朱喙者語皆侏儷舌嘈襍  
清妙蘋菓之香在於午夜某曾早起嗅之其逸品入

神謂之清香清不同而香更異老師不可不訪之

簡趙哲臣

同年官允

汾水西流弟願隨去看李公子王氣隨上清涼臺食  
古雪袖天花數朶歸壽老親未必不韻謫官何足掛  
懷

簡何芝岳

同年大宗伯

晉吏部已去而耿公多欲皆馬長班進步昨敝反王  
樛臣云須具一大書帕送之弟詰何謂大書帕渠云

百金一封此最薄者弟笑曰豈有買官做之王季重  
哉

### 簡周玉繩

足下既在承明當日討典故上下千古如九經廿一  
史我朝會典律例都該講究批評一番以爲異日綸  
扉秉政之地昔張江陵爲翰編時逢鹽使關使屯使  
各按差使還朝卽具一壺一盒強投夜教密詢利害  
扼塞因革損益貪廉明昧阻通之故歸寓篝燈細紀

等在此備心如此容易造到江陵如只風花雪月一  
吟一咏以青州從事醉鄉溷過卽此先愧科名矣不  
佞南還在卽恃足下過謙之愛藥石留別幸勿吐之

又

不佞得南繕郎且去無以留別此時海內第一急務  
在安頓窮人若驛遞不復則換班之小二二哥扯緯之  
花二姐皆無所得饒饒其勢必搶奪搶奪不可其勢  
必爭殺禍且大亂劉懋毛羽捷之肉不足食也相公

速速主持存不佞此語

又

劉掌科因父作馬頭被縣令苦責其言罷驛遞猶可若毛御史在京置妾因其妻忽到以公祖輕與勘合而怒室色朝突發此議則因戲起亂矣驛遞乃窮人大養濟院窮人無歸亂矣再語之相公

復黃老師

號葵陽樵李人

甚至京仍聞風蟬雨蚓不過以辰玉爲口實某對此

輩言爾等所爭只講文章耳爾等以爲富貴之家定無文章某以文章當出自富貴也相公之家風水定妙生子定聰明父親庭訓定有異聞掄師擇友定有高品架上定有異書筆端定有別見館中人朝夕定有另外擬議難道相公之子定該花臉草包乎

復眉公

弟自認糠粃在前而兄翁以爲貂續過矣此公行北陸下車先問大姓非南陽之謂也聞搏擊甚急則吾

民不堪弟不無逝梁之咏又稍聞得精卽歌舞雖有  
氣象終是倉官鬚子猛而不威也

復趙履吾

趙貴州人堂翁斬心魯尉氏人

堂翁母九十三矣旣輯圭去卽不當來來或迫於功  
令總之爲考滿地耳昨火房中下諏進退弟力主其  
自効或急急陳情此真真爲堂翁者非以之博名也  
官到尚書年已七十若棉花塞兩耳執杖泣歸榮乎  
辱乎疏稿已出乎乎人入去矣君子愛人以德也

復何芝岳

來論今日雲間教授當庭叅大宗伯矣固爾年翁亦  
曾學鬪崑山牌乎那曾見萬萬貫拿一萬貫哉

答李伯襄

靈谷松妙寺前澗亦可約唐存憶同往則妙若呂豫  
石一臉舊選君氣足未行而肚先走李玄素兩襪搖  
斷玉魚往來三山街邀喝人下馬是其本等山水之  
間着不得也

簡趙履吾

秦○淮○河○故○是○一○長○涵○堂○ 夫子廟前更擠襍包酒更  
喚不得、不若往木末亭吃高座寺餅、飲惠泉二升、一  
魚一肉、何等快活也、

與柳陳父

徐老官至卿貳、體亦尊矣、而每一拜客、必促膝低聲、  
時時袖障其口、若惟恐觸之者、此患得患失之猥態  
也、而兄以為謙、誠可法、弟不謂然、淮清橋下叫街乞  
丐、小花子實實餓了、何嘗不謙、何嘗不誠、而人法之  
不、

回門人陸平格

詢我三冬足用、足下進矣、三冬足、則三季之不足、可  
知、靜者長、動者短、此太極之理也、即以讀書一事言  
之、秋漸靜、故神思清好、春漸動、則神思昏善、夏則冬  
之對也、止有寅卯二時、無論讀書、即一日做事、只可  
一件、故聰明之人、惡夏而愛冬、人身腎實、則水升百

事可做。心虛則火旺。事多卽煩。元亨利不若一貞字。太玄以直蒙。會分三季。而以冥罔屬冬。冬則占其二矣。罔者冬之發處。冥者冬之歸處。卽此意也。坡老與龐道士安常議論甚悉。可尋看之。

### 簡米仲詔

越人嚼筍。閩人嚼蔗。漸老漸甜。不想奉崔魏諸公主。何意見。就中少年新進甚多。今日銀艾。明日就想犀玉。邀呵過棋盤街。尚書閣。老是箇孩子。難道有大半

世做去。早早回家。有何意趣。打選官圖者。不上五六擲。就到太師出局矣。忙些甚麼。又做官如游山。一步上去。歷過艱難。閃跌幾次。方知荆棘。何以刺人。危險。何以惕人。幽奇。何以快人。轉折。何以練人。漸漸登峯造極。方有受用。今一見山麓。就要飛至山頂。山頂之上。又往那走。此皆不明之故也。年兄終日太僕。決不轉動。譬之山腰看人。從高跌下者。甚痛絕命。可憐可笑也。若弟又鮎魚上竹竿。可笑之甚矣。偶發名

言不是妬口也。我兩個老人家終有。意思在。

### 與許伯倫論文

蟲○必○車○輪○蟻○必○牛○鬪○而○後○耳○目○之○官○各○極○其○用○曾○以○  
此○看○小○題○一○字○之○冷○通○章○熱○血○呼○吸○盡○來○此○真○小○題○  
也○如○僅○以○小○兒○之○穎○挖○空○生○語○頭○巾○之○學○餽○貨○雜○張○  
不○則○霸○王○叱○咤○豪○叫○一○番○蘇○秦○縱○橫○演○敷○數○帶○雖○玄○  
黃○灸○轂○紙○動○戈○飛○吾○無○賞○焉○

### 復青寥上人

紫柏憨山皆向上鉗錘。聰明大有力者。但一爲夏日。  
一爲冬日。不若密藏月川酌而用之。然以愚意評說。  
老佛原是慈悲。弩目者把門低眉者上坐。雖是謔語。  
亦覺有味耳。

### 復秦朱明

一字三呼。還不止此。讀廣選則漢晉唐宋騷賦誄贊。  
祭文詩銘等作叶韻者。皆在舌杪間一轉。不可泥求。  
之也。切字法惟竺乾等韻不差。然亦須有傳授。至尋

常半切。可以意會耳。秀才讀書。知道半字。就已難得。但得大意。不求甚解。亦捷徑法也。然此語不可為訓。大抵神而明之。存乎其人。譬之喫啣二字。卒然起者。為驚聲。惜聲。歛而伸之。則為不然。不肯之聲。急甚大呼。則為痛聲。痛聲。微感。則為兒女子快活之聲。非一端。可盡。只在唇吻間。輕重緩急。寫出也。

簡徐亮生

馬阮盡草包。一搖鼓。一賣官。一拿綽板。唱曲子耳。天

下事去矣。足下可速歸。

復董玄宰

承諭某童已領悉。月白可也。但不可白雪之白耳。

荅孫生

生名恪。係孫世壽長公。世壽死戰事。僅一題叙。長公上疏陳乞。通政索賄格之。

而不聞。通政為銀臺乎。

與翁文瀾

鼎兒情淡如菊。乞吾師遂其力學。教之古藝。渠必奪。幟中原。不可專勗爛時文也。



與沈瑞生

吾兄益友也。予已改過，幸爲錄之。其晨外詩上乞一  
批語，吾輩忠君愛國，豈在縉紳布衣哉。

付鼎兒

易書只有太極。宋儒多添無極二字。汝此言最得義  
統。非歐陽子信經廢傳之說相類。汝又言羲畫卽初  
製之天地水火雷風山澤八字也。知汝近日亦究乾  
鑿度。我看乾之初爻潛卽无首妙蘊。大衍五十數虛

一不用爲數之祖三百八十四爻潛于初而勿用者  
爲爻之宗。汝可與翁師細參。晚刻來酌酒再譚。

又

性命不分兩物中和不分兩念戒懼慎獨不分兩功  
未發與發不分兩境天地位萬物育不分兩事鼎兒  
可從此處體認太極也。

又

太極死圈兩儀板畫焉知太極之不方兩儀之不豎

耶

啓

謝

益藩震寰殿下賀初第啓

層霄仙檢忽生萬里之光一介孤騫突拜十朋之錫  
驚逾望外愧在感先恭惟殿下天家盤石聖代維城  
彭蠡分源玉水清涵於血木匡廬特秀金輪氣孕於  
麻姑世德承休豈止象賢而樂善宗風式度尤高染  
翰以摛詞念先臣五載提囊荷哲祖醴恩之恒沃憶  
徵生九齡試筆蒙前王果賚之多珍時易滄桑遂更

言者不食小品 卷一  
三代人同蕉鹿。如隔千秋。分既阻于雲泥。音亦同夫。  
風馬。茲者倖叨薄第。冠猶弱以難勝。報切高藩。羽未  
豐而有待。乃承星使。朱函飛翰。藻之章。俱係雲英。錦  
幅列瓊儀之盛。靈飈筴動。彫犀似欲通天。寶墨詩新。  
窺豹。如同測海。戀馳彌切。銜戴惟深。

謝 淮藩賀壽啓

天潢衍派。福歸彭蠡之源。星使頒綸。恩出芝山之表。  
禮誠異數。情溢莊詞。恭惟殿下大雅不羣。爲善最樂。

忠抱傳經之劉向。才高授簡之相如。而職以庸劣老

兵。近座叨穆生之醴。席荒疎末學。庶歌乏梁苑之葩。

章。夢寐以來。鶴鷗夜語。奔騰初返。蛇虺烽馳。賊不僅

稱探丸。戎已各操畫角。黃梅縛急。血書七泣。秦庭武

穴屠完。芟裏亂流。湓浦職枕戈待漏。苦心氣之無多。

環甲巡。俾嘆肉髀之已長。旣慙虛度。實懼餘生。而殿

下特慰之勞。又華其老。玄黃篚犒。三軍分敵愾之榮。

寶玉珍投。一介領授餐之節。但願雄風借怒。驅豺狼。

以○共○咏○小○山○仙○鼎○流○丹○舐○犬○雞○而○長○舒○化○日○據○鞍○口  
授○肅○橐○神○馳○

公請宮庶蕭漢冲大座師啓

陽○生○至○月○文○昌○聚○四○時○六○氣○之○和○壽○介○惟○春○品○彙○希  
一○顧○千○秋○之○重○潔○陳○芹○藻○攀○辱○輶○軒○稍○見○知○恩○敢○云  
報○德○恭○惟○老○師○閣○下○神○標○絃○外○道○契○環○中○黃○雀○仙○胎  
碧○映○鸚○洲○之○芳○草○白○珩○聖○寶○光○騰○隋○月○以○連○城○篋○發  
玄○夷○博○該○左○史○弓○藏○繁○弱○氣○奪○前○茅○既○文○武○之○兼○資○

更○元○魁○之○獨○占○承○休○紫○閣○九○重○之○特○達○非○遙○宣○拜○黃  
麻○四○海○之○具○瞻○伊○邇○其等○彫○蟲○小○枝○濫○竿○分○華○袞○之  
褒○入○穀○微○材○備○藥○感○丹○砂○之○惜○共○謂○親○聆○磬○欵○方○聞  
夫○子○之○文○章○亦○擬○跼○進○杯○茗○如○供○父○母○之○菽○水○敬○掃  
五○侯○之○園○肅○埃○三○台○之○駕○

漢冲先生問曰此啓何人所作皆曰王生先生曰  
啓不可套亦大有工夫矣明年聯捷借重敝衙門  
有光館課

通王金華太守

玉坐疇咨。丹詔恩宣。江表金郵。迅喜朱幡。榮建山城。  
跂仰龍光。神依鴻采。恭惟云云具澤靈芬。虞山秀穎。  
望隆喬梓。文章麗春藻之華。第盛簪纓。名譽擅秋蘭  
之馥。木天遜席。棘苑含香。福星暫炤。芙蓉岳斗。尋當  
樞柄。其衰廢腐儒。叨鄰編戶。鄙遺陋品。辱在年家。三  
洞曾憶舊游。九里願沾新潤。楮函肅候。溪藻引將。

擬程

擬

上以所司進新春早茶。賜飲經筵。日講官

謝表

萬曆十二年

伏以。徽辰論思。尺五傍雲霄之迥。玉津隆賜。函三沛  
雨露之深。涓滴恩濃。芬芳福滿。荷熙朝之渥典。驚儒  
職之殊榮。臣等誠懼誠忭。稽首頓首。上言。臣聞春開  
萬馥之先。茶乃六清之冠。功堪悅志。食書載在。神農  
妙至。輕身新錄。傳于弘景。苦而稱櫝。老則爲茗。必飲

真斯可少眠。宜久食令人益意。石花紫。筍。劍南與顧  
渚同封。香雨金膏。夔北共滄湖。占潔。婺巖小摘。碧乳  
名高。宣麓橫紋。綠英價並。亦羨東川之獸。目或推古  
睦之鳩。阮蒙頂不能數斤。地衣無取。冰芽止選。一縷  
天酒同甘。積雪敷壽。麴酌尋杜家之薜。賦輕飈拂水。  
檮蒸詳陸氏之茶。經甌珍惟進尚方。泓翠豈虞下逮。  
茲蓋伏遇 皇帝陛下至仁發育。大德滋生。親善如  
蘭。夫竟消除陰邪之氣。寶賢是艾。泰茅開清白之風。弗

求異域之奇。祇聽任土所貢。方清明之屆。令值茶事  
之初。登采急。乘雷花陌。走紅塵之一騎。獻先未雨練  
囊題赤印之三緘。韻試靈旗。作哀京挺。共覩 天顏  
之喜。隨聞異命之頒。墟討博山。雞鳴覺有丹竈。泉剡  
大液。雀舌誤認中泠。龍團瘦而鳳團肥。蠟面瑞雲猶  
動。蟹眼生而魚眼熟。松風活火俱鮮。候不爽於晶壺。  
錦貂煢蓋。愛先盈于玉椀。仙露承盤。味至無加。馨德  
徹玄同之表。白還第一。真元復壬降之初。臣等蔬水

寒儒勞無橫草。枕流末品。榮與分藜。清心未及。萌防  
苦口尚圖。芹曝拜而後飲。達許先嘗。濡脣疑神。漢之  
淫。盧全。腋冷。沁肺如。漉漿之注。蘇軾。脾清。偶爾凝思。  
遡徵往事。昔者西園。籃子。國體徒傷。北地酪奴。臣顏  
有愧。丹丘相給。但祈鷗蟻之餘。江表來降。未解陽侯  
之厄。既濫觴於湯社。何待碾於餅遺。更韋曜無能。苦  
宴常過半斗。而相如最渴。金盞不賜。一杯豈若分甘。  
推食之恩。兼寓滌煩捐躁之教。臣等敢不儉昭三弋。

素業無改於吳興。廉反十漿還民力。請於克讓。伏願  
道存穀種。治協冀祥。會合元英。一德常歌。湛露沉潛  
學味。萬年莫羨瓊蘇。臣等無任瞻天仰聖。激切屏  
營之至

附作警聯

明月獨清于碧澗。石花占勝于蒙山。紫筍黃芽。俱稱靈草。鳩阮獸目。各擬仙芝。陽羨先春。品在玉津之上。龍安騎火。名高金片之前。既賞韻於綠英。亦研膏於白乳。試嘗雀舌。祇貴鳳團。皇封蠟面。光別銀絲。采練絨題。香除龍腦。臣家無藏雪。泉分玉井之波。袖有餘香。烟帶仙房之

火味真甘於莖露。不數醍醐。質更寶於瓊蘇。何云薜荔。妻孥與共。常慙瓦缶之村。雞犬如疑。欲舐靈旗之瀝。

### 擬程

擬一 上因旱念民。宮中躬禱。靈雨應期而至。羣

臣賀表 萬曆四十三年

伏以至德承休。率土被甘露之貺。太和流慶。普天沐膏澤之恩。如解倒懸。不勝歌舞。臣等誠懼誠忤。稽首頓首。上言竊聞太極之綱。繼二氣兩儀。至治之裁。成

十日一雨。萬物非此不潤。萬民非此不蘇。故神

求雨之書。黃帝無封。乾之理。焦禾殺稼。相傳射日以

除殃。鑿井耕田。實藉卿雲而阜土。人禱能勤。夫六事

國旱何傷。於七年南畝。惟民西郊。自我山川。滌滌賴

周宣畏癘。暑之心。天策焯焯。昭號國應。炕陽之節。石

身茅髮不共。齊憂。疴疾巫愚。祇增魯悖。庶幾決楚之

獄。猶勝伐邢之師。至于征宛穿池。何益靈星之祀。更

有揭木負瓦。不聞圖繪之流。或耳赤於醴泉。或心盲



於岳瀆故事。徒爲避殿。精誠未若積薪。水龍蓄西域之壺。雖多誕。惟蝎虎泣。熙寧之甕。終屬矯誣。蓋格天以實。不以文。則畏天有感。斯有應。茲蓋伏遇 皇帝陛下。道高三有。德契重玄。至孝性成。同大舜終身之慕。深仁化洽。過文王切已之傷。治平已四十二年。時若宜三十六雨。乃者天心警愛。陽氣僨盈。赤日如焚。片雲難黑。書占洪範。甚懟口舌之病。志讀五行。頗著木金之沴。原野嘆疾。藜生色無。麥無禾。郊宮疑圭璧。

虛陳。不宗不舉。石人汗而欲喘。董生繁露之法。已窮土鼓。擊其若暗。韓子訟風之氣。將竭。乃勤睿慮。特勅誠祈。躬禱布袍。依然踐祚之象。香浮玉篆。化爲玄表之文。召見羣臣。處分近事。在廣歡喜起之日。正赦過宥罪之時。獄定一言。盡活草木昆蟲之命。明開四目。具瞻 祖孫父子之權。禮儼而溫。千萬載元和伊始。情親而久。三十年鬱結頓消。是以 天地交通。復歸於泰。雲雷合作。渙發其屯。神女靈童。膚寸暎太山之。

霧玄冠。白馬鞭。長掛東海之波。經時可當決旬。既霑  
既足。入地何止三尺。載滂載沱。向也龍見而雩。每蹙  
焦顛之叟。今也鶴鳴於埳。卽騰屈足之兒。臣等學本  
宋苗。身猶莊緡。回天無計。不能先范文正之憂。戴雨  
尚明。不敢復蘇文忠之喜。朝回馬上。西山爽氣逼人。  
退食邸中。四野懽聲動地。但聞師說。太平有瑞不占。  
更演箕疇。恒賜厥罰。在僭伏願。從言作乂。居敬肅時。  
烹弘羊。卽舞商羊。則吸髓之臣。宜戮白孝婦。斯得貞  
婦。則鯁骨之士。當寬庶大化。與天地同流。家依壽日。  
洪恩及霜露。所隊人樂豐年矣。臣等無任瞻天仰  
聖之至。

判

鶴啄文魚判

姻友陳仲公惠魚數頭皆瓊丙丹乙貯之片壑喬木清漪容與啖喋快甚我亦魚也偶爾黑甜長頸生突至噉盡日斜羈影憾之

公將如棠不見朱儀之熠施王立於沼偶驚兵沼之縱橫急詰園丁方知野鶴此一鶴者人謂敗羣自標獨立包藏有禍何稱清迥明心對客無能傳說氈毼不舞五畝之宅只供蛤螺鰕鱖之餐入口之家難繼

詞者文餽小品 卷一  
稻梁蔬果之賦。久當削迹。瘞以焦山。祇爲尋聲。還其  
曉月。豈期待長。弗俊學濶。有加闌入。清流託在。魏于  
沐浴。衡穿華藻。害錦尾於臨官。口甚蘇張。攫金印如  
取寄喙。同勾踐吞文。種以無餘。恨切仇池。痛深丙穴。  
情當卽行烹滹。罪且不止樊籠。但念向未帶牌。孤山  
失尋棹之教。今謀援繳。樵風無遺箭之寬。爲我拔一  
毛。且寓摩頂之創。以杖叩其脛。勿嬰鬚脰之悲。咭咭  
垂思。翹翹暫去。還顧出身。毋貽隱刺。

### 奔女判

姑孰有女將行。其父苛聘。遂失期。此女忽持一絹  
而去。大索不得。月餘革工有宋皮者。櫃中跡出。女  
貌甚都。舉國狂踏。該謔菴理判。

勒加羊饋。禍至鶉奔。事之以幣。反叨西蜀之文。君射  
不主皮。豈料東鄰卽宋玉。十織刺繡。落在錐刀。一貌  
如花。食此牛氣。夜行晝伏。憐喜懼之兼施。日居月諸。  
歎尺尋之不定。亡人以爲寶。巧雖韞櫝。而藏遜世。不  
見知悶。乃穴革以出手。足盡露。彌縫之術。終疎寢處。

言者文館小品 卷一  
太甘。鑽隙之緣亦盡。既歿所之見獲。各決杖以何辭。  
女既無良。夫麾是聽。父難免罪。衆唾成歸。

### 怕考判

督學將至。姑孰棚廠具矣。有三秀才。蘊藥謀蕪之。  
邏獲驗確。學使者發縣。該諱菴判。理具申。

一。炬未成。三生有幸。欲有謀而幾就。不待教而可誅。  
萬一延燒。罪將何贖。須臾乞緩。心實堪哀。聞考卽已。  
命終火攻。乃出下策。各還初服。怡遂驚寃。

### 孳生馬匹判

龍襟驥種。乃天廐之上乘。赤鵠白駒。豈鄭人之小駟。  
故圉人効職。惟期雲錦三千。太僕誇長。亦貢天閑十。  
二。今某不能求牧與芻。安得旣蕃而息。情知東野必。  
逸。猶言北冀無良。日照桃花。空有金堤之羨。秋高首。  
豬誰聞。漢苑之嘶。遇伯樂而弗前。斬汲黯而不出。是。  
爾曠官。可不問馬乎。

募疏

新建西陵外沙葦渡亭疏

帝德無疆。賴大雄默。爲補助。佛恩有託。憑衆善。共用  
脩持。茲爲東海前關。據盡方輿。袖領西陵古渡。扼稱  
大越喉咽。大海於此標奇。山川頓爾奪勝。扶桑拱北。  
遙通周譯之朝。航搏木。沾東獨富。禹書之貢。錯經營  
炎景之外。誰云吳地。盡於江浩。汗沃焦之初。始信南  
天開在子。錢塘靈廓。乃爭四瀆之衡。全浙惟輸。是倒

萬流之穴。常氣胚而霧杳。渾沌迷函。忽地裂而雷翻。  
劫灰頽沸。鼉門黛鎖。時驚夜水之魚龍。仙嶠銀浮。亦  
望月山之鸞鶴。然而鐵弓石弩。終聞波首神愁。雪馬  
風車。每見蘆中人立。潮生日老。游子亟彼岸之情。風  
起雲揚。猛士變四方之色。維長綃於百尺。扇影移來。  
寧一介於三洲。筍輿透至。或獨行原上。或偶語沙中。  
或試脛褰裳。或駕肩携具。困坎呼天。汗血歎勞人之  
草草。涉印須友。風聲襍舟子以招招。自君出矣。對泖

湧則事集百端。盍歸來乎。見鄉關。方身知一葉。當斯  
時也。賜陽坂鹵。必願口卽爲津。崩雨批魚。每恨身之  
不翼。有性通居士。悲切雙眉。海珠上人。慈周六道。渡  
江折葦。因義豎名。卜地剪荆。同心結宇。千層鷲色。現  
世尊清淨之身。萬里潮音。吐菩薩廣長之舌。要呼大  
衆。總救羣生。宣梵安瀾。通神奠毒。但香殿有基。未肅  
珠衣寶座之像。茶亭尚待。誰敷新泉活火之資。願破  
慳癡。自求福應。凡居順境。皆繇夙世生緣。更種良田。

雖在現前得力。分毫俱可。試看洹河。千萬漸盈。何難  
一簣。謹將無文之筆。附充不腆之施。疏上高賢。恕茲  
迂聒。

### 募修雲門寺疏

王簡栖頭陀碑後乃見此疏此豈近日王百穀馮元敏輩所辦至天浮蓮上人走磨

恍萬馬之奔旋。人走磨中。亂嶂疑大。葦之分披。天浮蓮上。是以仙橋。覓土。祖龍。遵南海。而秦望名高。古木

中等語則惟予知之而予家於五雲也吾輩縱不爲竺乾祈福獨不爲名勝乞靈生一惟喜心耶

明人郭鉅頌

春叢子敬宅五雲而義熙寺勝傳聞者獻蒐閱志乘  
妙境常靈高賢願止。崔樵鼇釣。皆來遊戲。夫神通學  
井丹爐。各借陶鎔。其伎倆。采芝訪藥。飛行時見毛人。  
博局吹笙。涕唾生憎。肉眼脩真避世。幻蹟竒踪。詎可  
殫論。惟當健羨。至於象教。尤覺雷鳴。禹貢委輸。土木  
久鬼峩於震旦。觜陬上憲。斗牛亦喜捨其星。分化宇  
莫之與京。祇林於此極麗。大雄趺坐。幢標摩竭之獅  
雲自在。眉低潮響。洛伽之龍部。淥池方石。酷火晨涼。



慧炬玄珠重昏夜。曉碧金天矯。咸懸崖跨瀑。以求清。  
 樓閣攢羅。共灌莽攀藤。而散馥。則有帛猷錫卓。開五  
 衍入正之宗。支遁馬嘶。講六入三。明之法。尋常功課。  
 甌水自轉法華。危險栖遲。鵲巢如履平地。神異之僧。  
 屢出。皈依之眾。轟闐天女。哦雙樹。飄花羅漢。發三車。  
 寫葉。虎熊如乞。間嘗軟候於齋廚。魚鳥來盟。大半懽  
 騰乎梵鼓。泉驛交馳。白乳薜淪靈旗。筆倉兼蓄。黃精  
 密封天酒。遙想蘭亭展玩。梁間燕子呢喃。更有鐵限

此予天啓  
 四年甲子  
 六月所題  
 疏辭晃入  
 手幾為泥  
 覆今年六

如長老慨  
 然以龍象  
 自肩時雖  
 惕厲五雲  
 靈境復想  
 漢官成儀  
 矣吾家大  
 令捨定事  
 世或不能  
 庶幾一本  
 石心方  
 所到亦可  
 以聚少成  
 多也祖文  
 以居遺下  
 務磨董金

森嚴。戶外獨見。嗥吠。事俱大雅。慕絕名流。以故畫壁  
 紗窓。信宿卽前生之福。青袍布幘。訪游以後。至為慙  
 對。月維散老衲。廣長其舌。臨風緘寄。宰官金玉。爾音  
 齊梁。唐宋以來。盛美典隆。如在。寺初萬曆。僧尚百人。  
 飯雖未必。鳴鐘。芻亦稍供。行履昔時。在矣。投醪。記鷺  
 灸。以猪燒。今我來。思入室。見瓢。逃而轉。耻鼠。蝙蝠舞棟。  
 虛堂。弗耐。遺腥。牛豨。飲溪。六月。徒逢。暗惡。千章。滅景。  
 甚。耽伐。坎之虞。四壁。牽絲。那禁。崩淫。之剝。髡留。殘懶。

之不可知  
之二字屬  
之人無知  
大令之所  
不有非大  
今之所當  
有也耶  
自識

用接噫呼。施鶴誰肯贈鈴。聞雞或者拔劍。壅苓更帝。  
應生大力之人。灰劫轉輪。已值中興之會。高山無恙。  
年年閨苑冰壺。碧澗多寒。處處茂林脩竹。名詩橋冷。  
風前猶可追尋。御墨砂鮮。雨後不須洗認。道場莫錯。  
福地宜脩。真惜銅駝。須趁居諸之猛。毅果能精衛。何  
難海岳之崇深。

天衣寺募鐘疏

寺在山陰南池。南雲窮壑老之所。余三十年前。往遊

之老僧飯供。凡六器。皆玉版味也。前朝李北海碑可  
捫。近日玄宰先生。以魯公書法為之題額。境苦律嚴。  
絕無紛華士女之想。歲深鐘毀。或者其氣不得土薄。  
然以鐵為之。則侈弁不可知也。寺長老天緣精志。虔  
備。欲購五金之鑄。以還七寶之施。但合宮聲。不須無  
射。追寒山之夜半。撞秋月以金輪。倘得願成。殊為事  
勝。昔吳興武康有太慈寺。僧神悟貫想。作鐘空中聲。  
在十里。以朝命強致都下。鐘忽躍水求還。後人呼之

神鐘。黎州禪悅講大乘經論。蒲牢爲之震吼。後人呼之聖鐘。焉知山靈人傑。無有捐蜀山之銅。以應光宅之鐸者。持吾數語。用作前音。

大善寺禪堂募化齋田疏

殿上供佛。堂中養佛。殿上之佛已往。堂中之佛見在。殿上之佛。有鼻空聞。堂中之佛。有口要吃。吾越大善寺。江南名刹。行脚走天台南海雪竇金峩者。咸來至止。聖中大司成陶石簣。僉憲劉止菴兩先生。實構此

室。爰令長老設處待衆。宿約嘉柔。飯留香苾。文學祁季超。知其難給。蠲產十畝爲常住法。然而歲益饑。佛益衆。福鋪薄。設弗濟也。茲掌堂禪師景微。發心化募。青蚨白粲。任力量之寡多。阿耨須彌。等慈悲之埃滴。佛知此意。殿角之鐘鼓俱歡。人聽我言。家下之竈鍋必盛。速吾疏者。昭宏十峯兩開士。得併書。

龍沙菴募疏。

龍沙第一菴。係豫章鬼託地。勝而泉甘。菴在沙之坐

內和尚鎮清結趺其間。祝皇王之萬歲。保民社之  
三階。梵唄清嚴。慈悲普度。幾於雪山葱嶺。脩行共之  
矣。此中少一法梅尊經奉佛。殿元劉晉卿。曾有給孤  
在祇園之意。而獨拍不響。和尚出冊子。屬余爲袖。以  
接殿元之領。予曰。佛事好做。平泉金谷。賣與他人。而  
捨宅爲寺者。名香至今。同心者。隨力助之。不必拘多  
少也。

### 脩建雪竇寺募疏

雪竇在明州之奉化。名炙甚。予昔看阿育王舍利。往從之。苦無導。姚江觀察葉六桐年兄相訂。從四窻  
取天童至竇。其爲兩月游。竟贊志。而予則夢寐恍惚。  
每年一夕之孫興公。足未及天台。而遙之賦。亦強半  
得其背項。予雖賒此游。而讀昔人說。則大約伯仲麻  
姑與五洩也。二水出山之兩脇。匯錦鏡池。始出霰飛。  
霆劈。語者附耳。覲者驚覓。笑者呀口。不知身世之何  
在。而平田廣阜。反出其上。亦山水之捏恠者矣。前年

有剃髮不逞。欲據爲滄寨。事覺。兵使者殲之。寺佛無色。或頹痿不治。吳僧普淨。職澡罐。一年欲上堂說法。整頓重脩。予久不事筆硯。况當國破民窮之際。何暇及此。此僧堅誓。必請予言。雖是挂碍法。然亦有補救。心予爲下一轉語。能作拾得入巖。方許燒火。若只把石竒幾句宗語。享爲諦教。譬如嚼蔗。有何轉味。能選檀棍三尺。看見密雲。當腦一下打死。餵狗。方許參禪上坐。世有無手拳頭。禪碎虛空。此緣不易化也。

### 贊

#### 題李卓吾先生小像贊

西方菩提。東方滑稽。箭起鵝落。刃驕牛飛。快如嚼藕。爽則哀梨。是非顛倒。罵笑以嬉。公之死生。藏書焚書。郭母劉太。孺人贊。

優婆塞夷。託生以來。原清淨。而又適婆羅門之逋沙。須達多。而修善吉之行。持摩尼珠。誦跋折羅之真言。是其端坐以化也。乃解脫三昧。以入於正受之調直。

定有子有孫。將大其世。爲人天師。以繼阿耨多羅之  
精進。太君繡佛持齋。生平慈淑之行。在劉狀元誌中。  
子震徵予作贊。以波教方言。襍之華語。所謂鐘鼓不  
出一堂。普天共此茶飯耳。

楊序我先生溫太孺人合贊

儀翁之貌。則以喬松。聽翁音吐。實惟野雀。旣倫旣常。  
不愧不怍。無田而以筆耕。有田卽以書樂。虔爲翁之  
杏壇。而雲溪則翁之菟裘。而何必減仙山之臺閣。惟

溫太君。命曰佳耦。石戶之賓。鹿門之友。羗同心以斷  
金。更有孚而盈缶。感大生之乾施。皆坤德之載厚。小  
星樛木。是迨下之賢仁。而和丸畫荻。則義方以啓後。  
此二老者。皆螺鷺之靈光。千百年俎豆其間者。猶稱  
爲人瑞而雙壽。

題呂仙自畫贊

無錢不行。喚人世之惡薄。有錢卽貫。亦吾道之大覺。  
一簞一笠。一葫蘆。襤褸鬍髭。赤着脚。上走九天。下游

五嶽雲水無拘。烟霞灑落。三醉岳陽樓。一宿玄潭閣。自寫真形。道人別是呂純陽。有緣付與真人。又是孫思邈。

蕭孺人四十初度贊

以名閨適秀選。占卦得明夷。乃入於習坎。奉饘索幾。蕩板以一筭。仔肩褚氏之絲。將危而弗斷。泚髓飽厥。婦熊丸。啖其子。而家聲復振。起以緒纘。此孝婦賢妻。誓母也。否極泰來。禍兮福倚。吾嘉好其恐。心動性不。怨不尤。女中之功臣也。特作此贊以付之彤管。

賢女贊

女劉有色。字蔡蔡。貧而吳豪奪之。父母不諒。投潭死。土人祠焉。

一綏一蟬。一匡一蟹。一與之醮。終身不改。強暴可誅。父母可駭。涕出女吳。投淵尸解。漩澗片刻。清風千載。

五人墓贊

吳閩蟻子。逐逐簫鼓。醉飽一夕。知歸何土。妖星蔽日。緹尉出侮。壯矣五人。小夫屠酷。巷在專諸。學纜水濱。淪彼宵奴。署名對簿。氣奪暴闖。頭摔佞撫。清風次第。

了不驚苦。蟻遂登人墓。封宿莽。亦有狗。顧駢斬五父。  
初亦稱人。忽焉化虎。其死無二。其數亦五。人漸神旺。  
狗已臭腐。全一不朽。同時千古。

允脩先生題石壁像贊

墨入三寸。字凸一分。執千秋之藻鑑。表一代之雄文。  
豈以隗囂近起。而書王命論以藏名山乎。我知之矣。  
是携二子出峽口。大書特書以對付王濬十萬過此。  
之三軍。